



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Lvitprandi Ticinensis Diaconi Opvscvlvm, De Vitis
Romanorvm Pontificvm**

Liutprandus <Cremonensis>

Mogvntiae, 1602

XXX. S. Marcellinus.

urn:nbn:de:hbz:466:1-11115

*Episcopus, presbyter aut diaconus, vel quilibet clericus apud Episcopos, (quia alibi non eportet à qualibet persona, quæ rite recipienda est) fuerint accusati, quicunque fuerit, siue ille sublimis vir honoris, siue alterius dignitatis, qui *nomeris hoc genus inlaudabilis intentionis arripuerit, *nouerit docenda probationis mo- prob.docu- strāda documētis se debere inferre. Si quis ergo circa huiusmodi personas, non menta se. pbanda detulerit, auctoritate huius sanctionis intelligat se iacturā infamia sustinere. Qualiter autem ad Concilium veniatur, & cetera, & 3. q. 1. c. Epis- de induciis anniuersariis, dicit se ideo in eadem epistola non pone- scopis.*

re, quia sufficienter de huiusmodi ab Apostolis & eorum successo-ribus, & à suis antecessoribus tractatum esse existimat. De ordinibus verò Ecclesiasticis in eadem epistola scripsit, & omnibus serua- ri demandauit, vt si quis Episcopus esse meretur, primò sit ostiari- us, deinde lector, postea exorcista, inde sacretur acolythus, deinde subdiaconus, deinde diaconus, & postea presbyter. Exinde, si me- retur, Episcopus ordinetur, & regiones in magnis ciuitatib. inter diaconos diuidi præcepit, & omnes difficiles quæstiones, quæ ex- ortæ fuerint, semper ad Apostolicam sedem referri præcepit.

XXX.

S. MARCELLINVS.

A. CCXCVI.

MARCELLINVS, natione Romanus, ex patre Proiecto, sedit annos 9. menses 4. dies 25. Fuit autem temporibus Dio- cletiani & Maximiani. Quo tempore tanta fuit persecutio Chri- stianorum, vt infra 30. dies, 17. millia hominum promiscui sexus per diuersas prouincias martyrio coronarentur. Tunc & ipse Marcellinus compulsus dæmonibus sacrificauit. Sed post pau- cos dies Synodo congregata in ciuitate Campaniæ coram centum & octoginta Episcopis digne pœnituit. Vnde Diocletianus iratus, quia ad sacrificandum eum cogere non valuit, cum aliis tribus ca- pite truncari iussit 6. Kalend. Maii, & post 30. dies sepultus est à Marcello presbytero. Et cessauit Episcopatus eius annos 7. menses sex, dies 25. propter nimiam persecutionem Christianorum. Hic ordinauit Episcopos 5. presbyteros 4. diaconos 2. Hic in epistola, ^{a epft. t.} quam Salomoni Episcopo misit, multis rationibus probauit, & multorum irrefragabili auctoritate firmauit, patrem non esse ma- jorem filio, nisi secundum naturam humanitatis. Et hoc fecit propter quosdam hereticos, qui eo tempore exorti econtrariò ni- rebantur probare.

In alia autem epistola, b quam vniuersis destinauit Episcopis per Orientales prouincias constitutis, monet & præcipit omnes à fratum persecutione & litigio cessare, & vt contentiones, quæcunq; inter Christianos fuerint ortæ, ad Ecclesiam deferantur, & ab Ecclesiasticis viris terminentur. Constituit etiam vt maior non possit à minore iudicari, & vt Episcopus quilibet nullum possit inferre præiudicium illi Pontifici, à quo consecratus esse probatur: & si præsumptum fuerit, irritum esse, & inter Ecclesiastica statuta non esse, censendum. Item in eadem statuit, ne vllus clericus, cuiuscunque ordinis sit, absq; Pontificis sui permissione vllum ad seculare iudicium præsumat attrahere, * nec ei laicum liceat accusare. Hrc, sicut & Calixtus Papa, decreto suo firmauit, ne Imperatori, vel cuiquam pietatem custodienti liceat aliquid contra mandata diuinitatis præsumere, nec quicquam quod Euangelicis, Propheticisque ac Apostolicis regulis obuiat, agere. Itaque sic intulit. *Iniustum ergo iudicium & diffinitio iniusta regis, * vi vel iussu à iudicibus ordinata, non valet, nec quicquam, quod contra Euangelica vel Prophetica aut Apostolica doctrina constitutionem, siue sanctorum Patrum fuerit actum, stabit & quod ab infidelibus, aut hereticis factum fuerit, omnino cassabitur.*

XXXI.

A. CCCIV.

S. MARCELLVS.

MARCELLVS, natione Romanus, ex patre Benedicto, de regione Via lata, sedit annos 5. menses 7. dies 21. Fuit autem temporibus Maxentij & Maximiani. Comprehensus autem à Maxentio & traditus in catabulo animalibus ad seruendum, quia dæmonibus sacrificare noluit, diu ibidem cilicio indutus, & inedia maccratus, vitam finiuit in Christo 17. Kalend. Februar. Hic ordinauit Episcopos 21. presbyteros 25. diaconos 2. Hic in epistola quam destinauit vniuersis Episcopis, Antiochenæ Ecclesiæ subditis, scribit, à sanctis Patribus inspirante Domino, constitutum esse, ne villa Synodus præter Romanæ sedis authoritatem possit legitimè cōuocari, in qua Episcopus super quibuslibet criminibus pulsatus debat audiri vel iudicari, & omnia negotia Episcoporum, & summarum causarum siue cuncta dubia, Apostolicæ sedis auctoritate sunt agenda, & omnia & finiēda comprouincialia negotia eiusdem sedis auctoritate sunt retractanda. Hęc eadē in alia epistola, b quam Maxentio Episcopo scripsit summopere seruari præcepit, & alia multa de negotijs Episcoporum in eadem posuit, quæ hīc ideò non-

anne-

epif. 1.

epif. 2.